

ՎՐԱՍ ԻՍՎԲԵԿՅԱՆ

Տիշողության վրձնահարվածներ

ՀՀ արվեստի վաստակավոր գործիչ ԱՐԱՍ ԻՍՎԲԵԿՅԱՆԸ ՀՀ ժողովրդական նկարիչ Էդվարդ Իսաբեկյանի եւ նկարչուհի Արփենիկ Նալբանդյանի որդին է:

Արամ Իսաբեկյանը ծնվել է 1952թ. Երեւանում: Ավարտել է Երեւանի գեղարվեստաթատերական ինստիտուտը: ՀՀ Նկարիչների միության անդամ է: 1994 թվականից Երեւանի Գեղարվեստի պետական ակադեմիայի ղեկավար է:

-Հայրս երբեք ինձ խորհուրդ չի տվել նկարիչ դառնալ, ոչ էլ արգելել է: Նա վստահ էր, որ ես երաժշտական լավ լսողություն ունեմ եւ երագում էր, որ Արամ Խաչատրյանի պես կոմպոզիտոր դառնամ: Դաշնամուրի էի գնում, բայց ատում էի նվագելը: Մորս մահից հետո (12 տարեկան էի) որոշեցի այլեւ չգնալ դաշնամուրի...

Ես բոլորովին ուրիշ շրջապատի մեջ էի, ուրիշ կյանքով էի ապրում, ազատ տղա էի, ազատ ընկերներ ունեի: Բայց նաեւ ընթերցասեր էի եւ կարդում էի արվեստի մարդկանց նամակները, արվեստի մասին նրանց մտքերը, ուսումնասիրում նրանց նկարները, կենսագրությունները: Բարեբախտաբար, շուտ խելքի եկա՝ կտրվելով այդ շրջապատից: Սկսեցի պարապել ընդունելության քննությունների համար, որի մասին հայրս տեղյակ չէր: Այսպես, իմ ցանկությամբ եւ ուժերով ընդունվեցի Գեղարվեստաթատերական ինստիտուտ՝ ընտրելով իմ հետագա ճանապարհը:

-Ձեր հոր անունը կամ միջնորդությունն օգնե՞լ է կյանքում:

- Ինչ խոսք, եթե մեկի հայրը հարգված մարդ է, վարպետ է, դասախոս, ուրեմն անկախ ամեն ինչից նրան հարգող եւ սիրող մարդիկ հարգում եւ սիրում են նրա զավակին: Հայրս նախանձողներ եւ չսիրողներ էլ ուներ, ովքեր չէին սիրում նաեւ ինձ:

Նա չէր սիրում ինձ հովանավորել, իր անունով աջակցել իմ գործերին: Երբ ընտրվում էի Գեղարվեստի ակադեմիայի ղեկավար, նա միակ մարդն էր, որ դեմ քվեարկեց: Ոչ միայն՝ որ մնամ մաքուր ստեղծագործող (պաշտոններից հեռու), այլեւ հայրական վախ ուներ՝ ազնիվ արվեստագետի, որ այս աշխարհն իր բոլոր ելեւէջներով կարող

է դժվար լինել իր զավակի համար: Նա գիտեր, որ առաջին շաբթբերում գտնվող մարդկանց կյանքը հեշտ չի լինում, նրանք թշնամիներ շատ են ունենում: Նա ուզում էր, որ ես գերծ լինեմ չար մթնոլորտից:



-Սերունդների երկխոսությունը կայանո՞ւմ էր, տարածայնություններ չէի՞ն լինում:

-Իմ ու հորս միջեւ վեճեր միշտ եղել են մինչեւ նրա կյանքի վերջը: Ամեն ինչի՝ արվեստի, քաղաքականության, ընտանիքի, երեխաներին դաստիարակելու վերաբերյալ: Դրանք կառուցողական վեճեր էին:


Կարծում եմ, որ հակառակվելը սխալ չէ, ծնողներն են սխալ, եթե պարտադրում են զավակներին՝ իլու-հնազանդ ենթարկվել իրենց: Երիտասարդը պետք է ըմբոստ լինի: Ես ըմբոստ էի:

-Նա աշխատո՞ւմ էր Ձեր նկարների վրա թեկուզ սկզբնական շրջանում:

-Թույլ չէի տալիս, որ վրձինը ձեռքին մտնենա իմ նկարներին: Երբ դեռ արվեստանոց չունեի, միասին էինք նկարում նրա արվեստանոցում: Մի անգամ մտա գործս շարունակելու, տեսա՝ իմ նկարի վրա փոքր-ինչ աշխատել է, նեղացա, ասացի, որ ես այլեւս քեզ հետ չեմ աշխատելու եւ դուրս եկա նրա արվեստանոցից: Հետո, երբ մեծացա, շատ-շատ էի գնահատում նրա կարծիքը, իսկ հիմա, երբ նա չկա, անընդհատ զգում եմ խորհուրդների եւ ներկայության կարիքը: Իր կյանքով նա սովորեցրել է, թե մարդն ինչպես պետք է սիրի հայրենիքը, ինչպես վերաբերվի ընտանիքին, ընկերներին, գործին... Նա իր օրինակով ցույց է տվել, թե ինչպես պետք է ապրել ճիշտ եւ նույնիսկ առողջ: Դրա համար էլ երկար եւ առողջ ապրեց...



Էդվարդ Իսաբեկյանը Արամի հետ, 1955 թ.



Արամ Իսաբեկյան. «Դորս դիմանկարը», 1995 թ.

Շիշողության վրձնահարվածներ



Եղվարդ, Միեր և Արամ Իսաբեկյաններ

Ավիզբը՝ էջ 3

-Ունե՞ք համատեղ աշխատանք:

Նկարչության մեջ ընդունված է աշակերտներին գաղափար եւ ուղղություն տալ:

- Նա աշխատում էր «Թաղում Իգդիրում» նկարի վրա, երբ տեսողությունը վատացավ: Շատ էր մտահոգվում, որ չի կարող նկարն ավարտին հասցնել: Մի քանի անգամ խնդրեց, որ իր ասածով այդ նկարն ավարտեն: Ցավոք, իմ բազմազբաղ լինելու պատճառով չկարողացա նրա խնդրանքը կատարել: Հիմա այդ նկարը ցուցադրվում է անավարտ, նրա վերջին վրձնահարվածներով: Շատերն են իրենց աշակերտներին գաղափար եւ ուղղություն տալիս, բայց մենք այդպես էլ միասին նկար չստեղծեցինք:

-Գովասանքի արժանատի՞նք էիք:

-Շատ զուսպ էր, ուրիշների ներկայությամբ չէր գովաբանի: Իմ ամենամեծ քննադատը նա էր, ամենաշատ դժգոհությունը նրանից էի լսում: Իմ մասին ֆիլմ էին նկարահանում, որտեղ հայրս էլ պետք է խոսք ասեր: Ես հեռացա, որ չլսեմ նրան: Երբ դիտեցի ֆիլմը, հուզվեցի, որովհետեւ նման գովասանքի խոսքեր ինձ երբեք չէր ասել...

սեմ կրան: Երբ դիտեցի ֆիլմը, հուզվեցի, որովհետեւ նման գովասանքի խոսքեր ինձ երբեք չէր ասել...

-Ձեզ ինչպե՞ս էր պատժում:

-Մորս մահից հետո իմ դաստիարակությամբ զբաղվում էին տատս, հորաքույրս, եւ չարաճճիություններիս համար հայրս չէր ինձ պատժողը: Մեծ հաշվով, նա բարի հայր էր եւ բարկությունն էլ արագ հումորի էր վերածում: Ինձ վրա երբեք ձեռք չի բարձրացրել: Ամեն մարդ իր կյանքն ունի, եւ պատիժը չի արգելում մարդուն իր ուզածն անել: Եթե ծնողը պատժի գավակին, բայց ինքն անյուշատրեյի քայլեր անի, ի՞նչ կստացվի: Ես ամբողջ կյանքում տեսել եմ, որ հայրս օրական 7-8 ժամ նկարել է, սիրել է ընկերներին, հայրենիքը, խնջույքների մեջ է եղել, լավ աշակերտներ է ունեցել...

-Ձեր գավակների մասին պատմե՛ք: Շարունակում են Ձեր ուղին:

-Որդիս՝ Միերը, 30 տարեկան է, դուստրս՝ Աննան՝ 24: Ավարտել են Գեղարվեստի ակադեմիան, համակարգչային դիզայներներ են, ներկայումս

դուստրս ուսումը շարունակում է Փարիզում: Ես դեմ էի, որ նրանք Գեղարվեստի ակադեմիան ավարտեն: Գոնե լավ է, որ դիզայնի ֆակուլտետն ընտրեցին: Ցանկացած մարդու մեջ նախանձ կա իր նույն գործն անողների հանդեպ: Այդ զգացողությունը չես ունենում միայն քո գավակի հանդեպ: Եթե նա զբաղվում է քո գործով, կուզենաս, որ շատ ավելի լավ անի: Եթե իմ գավակներն ինձանից թույլ նկարիչներ պետք է դառնային, ուրեմն ճիշտ է, որ չդարձան: Ես նրանք մեջ չեմ տեսել նկարչի շնորհքը: Բայց տեսնում եմ, որ դուստրս շատ է սիրում համակարգչային գրաֆիկան: Կարծում եմ, որ դա արվեստի ժամանակակից ձև է, տրոլություն է, լավ հեռանկարներ ունի:

- Հաճա՞խ են ապավինում Ձեր աշակույթանը:

-Իհարկե, բա ի՞նչ պիտի անեն, քանի դեռ իրենք չեն կարողանում ամուր կանգնել: Մենք՝ հայերս, առանձնահատուկ վերաբերմունք ունենք գավակների հանդեպ. մինչեւ մեր կյանքի վերջը փորձում ենք պահել, դաստիարակել մեր գավակներին: Ի դեպ, հայրս այդպիսին չէր, նա ինձ ազատ է թողրել: Ես այդպես չեմ իմ գավակների հանդեպ: Երեւի պետք չէ այսքան մտահոգվել: Եվրոպացիներն ասում են՝ գավակս, ես քեզ կյանք եմ տվել, զուտ, դե գնա, կայացրու քո որոշումները, ապրիր քո կյանքը: Ես գտնում եմ, որ դա ճիշտ է, բայց, ցավոք, ինքս այդպես չեմ կարողանում անել:

-Հայրերի եւ որդիների հարաբերությունների վերաբերյալ ի՞նչ կցանկանաք ավելացնել:

-Մեկ տարի է՝ հայրս հեռացել է մեզանից: Նրան կորցնելն ինձ համար շատ դժժան հարված էր, մեծ կորուստ: Վերջին տարիներին միասին էինք բնակվում Աշտարակի մեր առանձնատանը... Շատերն ասում են՝ 93 տարեկան մեծ մարդ էր, իր կյանքն ապրել էր... Համաձայն չեմ, շատ են գզում նրա բացակայությունը: Ես դեռ չիզուրբեմ եմ ու հաշտ չեմ մտքի հետ, որ նա այլեւ չկա: Նրա իմաստուն խոսքը եւ պահվածքը պակասում է իմ կյանքում: